

廣文書局印行

六筆
編記

中
州
人
物
考
(下)

中州人物考

姓氏

卷之五

方正

李春坊公希顏

凌僉都公漢

王布政公平

房恭政公安

王知府公觀

鄭尙書公剛

顧端肅公佐

宋布政公伯義

滕知府公霄

高給事公舉

藺學士公從善

郭副使公原

郭知府公濟

尙僉事公禔

耿文恪公裕

何太守公濬

李恭敏公鏐

王少保公繼

劉文肅公忠

王文莊公鴻儒

高郎中公勉

賈文靖公詠

陳叅議公溥

何副使公景明

附孫侍郎公洛文

田副使公汝耕

孟大理公洋

劉副都公大謨

姚尚書公繼可

李苑馬公士允

高按察公叔嗣

張尚書公孟男

沈少保公鯉

董恭敏公堯封

郭少傅公朴

李都御史公天寵

劉知府公容

張僉事公四知

李少保公戴

郭尙書公湄

郭叅政公澆

侯太常公執蒲

侯祭酒公恪

張侍郎公應宸

常知州公維翰

傅莊敏公振商

張尚書公鏡心

中州人物考卷之五

容城孫奇逢輯

門人湯斌

五男韻雅全編

方正

李春坊公希顏

希顏邾縣人隱於夾谷學於伊洛爲宗從遊者甚衆初太祖爲諸王子擇師用廷臣薦手自爲書徵至京師命請大本堂授經其教法嚴毅雖諸王子有弗若教者嘗以管擊其額帝撫而怒孝慈高皇后從容問曰惡乃以堯舜訓爾子邪帝笑而不罪累授左春坊贊善大夫永樂初引年歸

詔復其家所居。湫隘飲酒自放。州郡屢聘課士不赴。懷貞寡合。邈然無所干請。竟以凍餒終。葬邑之塔亭鄉。所著有大學中庸心法二卷。


凌僉都公漢

漢字斗南原武人也洪武十七年以明經舉至京師獻烏鵲論上善之擢司經局正字未幾出知會稽縣以事逮繫久不決會浙江按察使陶晟入覲上知漢無罪爲晟所淹命還釋之與偕來旣至拜監察御史巡按陝西疏陝西民病數事且言古人謂大夫出疆有可以安國家利社稷者專之可也臣竊以爲在春秋戰國則可在今大一統時則不可苟許其專恐啟大臣擅權之漸上善之召其子賜鈔二百錠衣一襲及還京師有德漢者遇諸途邀漢飲厚報

以金漢曰子罪當爾律有定法非我私子酒可飲金不可
受上聞之嘉嘆擢漢爲右都御史時詹徽爲左都御史論
議數不合每面折徽徽銜之奏遣按事蘇松因嗾御史桂
滿劾其失職左遷刑部侍郎未幾命署吏部數月改禮部
又數月上憫其衰令歸田里漢叩頭曰臣願生居京都死
葬京上上許之命居于私第歲餘徽誅起爲贊善又歲餘
復拜右僉都御史尋令致仕漢入辭上問先賜歸不行今
歸何也對曰先詹徽在臣有後憂今徽伏誅臣無憂故敢
歸爾漢有治才且剛方不屈故時人多忌之云

王布政公平

平息縣人洪武中以國子生擢江西道監察御史陞陝西按察使文皇卽位召爲都察院右僉都御史坐事謫衛經歷用薦陞福建布政司左叅政從英國公輔征交趾事平進交趾右布政使時清化府蠻賊梗化平與都督黃中往鎮其地民賴以安還至交趾卒平爲人氣剛不容物臨政頗刻而所至不受私餽交人至今誦之



房叅政公安

安字子靜汝陽人年十九徵至京師太祖一見奇之卽擢北平按察僉事陞江西按察使文皇卽位安與布政使楊連僉事呂升並爲軍卒執告上釋不誅謫戍興州後召爲監察御史福建布政司左叅政安蒞事嚴敏嘗行縣貪墨之吏皆望風遁去擢工部左侍郎數月出爲山東右叅政同官魏瑛誣告誹謗下詔獄安不勝掠治悉引伏闕家謫戍交趾安坐大辟會瑛他罪覺並驗所告安事非實遂釋安召還其家屬改安四川右叅政未幾復改交趾卒於官

口
リノナニ

オーストリア

【

王知府公觀

觀字尚賓祥符人洪武中以鄉舉授蘇州知府爲政嚴整
多所興建發姦摘伏民畏之如神明有刁吏錢英累構陷
長吏人莫敢問觀廉得縛至庭立捶殺之由是豪奸屏息
百姓稱快事聞上遣行人白思忠賜勅褒之且勞以酒歲
大稔民逋無所從償觀乃延諸富室集郡衙宴飲風使出
儲積以補不足衆驩然應之逋乃完上嘉其能榜示天下
以勵怠政者今祀於蘇州名宦祠

